



SLUŽBA ZA REVIZIJU FINANSIJSKOG POSLOVANJA

Na osnovu člana 14. stav 1. Zakona o finansiranju političkih stranaka («Službeni glasnik BiH» broj 22/00) i člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2006. GODINU SELJAČKE STRANKE

Broj: 09-07-6- 1171/07
Sarajevo, 03.04. 2008. godine

SADRŽAJ :

MIŠLJENJE REVIZORA	3
1.UVOD	4
2.PREDSTAVLJANJE POLITIČKE STRANKE	4
3.OPIS PREGLEDA I KANCELARIJSKE REVIZIJE	5
Predmet kancelarijske revizije	5
Cilj kancelarijske revizije	5
Obim kancelarijske revizije	5
4.PREDHODNE REVIZIJE	5
5.NALAZI KANCELARIJSKE REVIZIJE I PREPORUKE	
5	
5.1. NALAZI	5
5.2. PREPORUKE	5
KOMENTAR	6

MIŠLJENJE REVIZORA

Služba za reviziju finansijskog poslovanja u Centralnoj izbornoj komisiji Bosne i Hercegovine izvršila je pregled i kancelarijsku reviziju godišnjeg finansijskog izvještaja Seljačke stranke za 2006. godinu.

Rukovodstvo stranke je odgovorno za finansijske izvještaje, postupanje stranke u skladu sa Zakonom o finansiranju političkih stranaka i uspostavljanje efikasnog sistema internih kontrola.

Pregled i kancelarijsku reviziju smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled i kancelarijska revizija su ograničeni na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom terenskom revizijom.

Na osnovu našeg pregleda utvrđeno je sljedeće:

- 1. Na osnovu obavljene kancelarijske revizije godišnjeg finansijskog izvještaja utvrđeno je da je Seljačka stranka prekršila odredbe člana 5. stav 1. Zakona o finansiranju političkih stranaka.**

Na osnovu našeg pregleda, odnosno kancelarijske revizije finansijskog izvještaja, osim gornje napomene pod 1. nismo zapazili ništa značajno što bi ukazalo na druge nedostatke u izvještaju ili finansiranju ove političke stranke.

1. UVOD

Služba za reviziju finansijskog poslovanja u Centralnoj izbornoj komisiji BiH (u daljem tekstu: Služba za reviziju) je izvršila pregled i kancelarijsku reviziju godišnjeg finansijskog izvještaja **Seljačke stranke** za 2006. godinu.

Pregled, kontrola i kancelarijska revizija je provedena u skladu sa članom 25. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i članom 2. Pravilnika o administrativnim procedurama pregleda i kontrole finansijskih izvještaja, broj: 01-07-1267/05, od 05.05.2005. godine.

Zbog činjenice da nije obavljena terenska revizija, postoji velika mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja politička stranka Seljačka stranka je iskazala prihode u iznosu od 9.386,52 KM, čija struktura je data u sljedećoj tabeli:

Red.br.	Vrsta prihoda	Iznos u KM	Učešće u ukupnom prihodu %
1	Članarina	0	0%
2	Prilozi fizičkih lica	0	0%
3	Prilozi pravnih lica	9.387	10000%
4	Prihodi od imovine	0	0%
5	Prihodi od pr.lica	0	0%
6	Prihodi od poklona	0	0%
7	Prihodi iz budžeta	0	0%
	Ukupni prihodi:	9.387	10000%

U godišnjem finansijskom izvještaju politička stranka Seljačka stranka je iskazala ukupne rashode u iznosu 9.886,86 KM.

2. PREDSTAVLJANJE POLITIČKE STRANKE

Naziv političke stranke: Seljačka stranka. Skraćeni naziv je SS.

Politička stranka, Seljačka stranka je registrovana 16.05.2002. godine kod Osnovnog suda u Doboju pod brojem RP-1/02.

Sjedište političke stranke je u Modriči, Jovana Dučića broj bb.

Za zastupanje stranke ovlaštteni su Gordana Vidović, predsjednik, Vladimir Usorac, podpredsjednik i Slobodan Vidović, predsjednik izvršnog odbora. Osoba ovlaštena za podnošenje finansijskih izvještaja za 2006. godinu je Bogdan Milašinić.

Organizacionu strukturu Seljačke stranke čini trideset (30) opštinskih odbora.

3. OPIS PREGLEDA I KANCELARIJSKE REVIZIJE

Predmet kancelarijske revizije je godišnji finansijski izvještaj političke stranke Seljačke stranke za 2006. godinu.

Cilj kancelarijske revizije je da revizor na bazi finansijskog izvještaja pokuša da ustanovi da li je Seljačka stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim kancelarijske revizije finansijskih izvještaja Seljačke stranke obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na priloge pravnih lica.

4. PRETHODNE REVIZIJE

Izvršen je pregled godišnjeg finansijskog izvještaja Seljačke stranke za 2005. godinu i izdat izvještaj o pregledu sa mišljenjem revizora, nalazima i preporukom revizije da stranka treba postupati u skladu sa odredbama člana 5. stav 1. Zakona o finansiranju političkih stranaka.

Izvještaj je stranci dostavljen, nakon što je politička stranka Centralnoj izbornoj komisiji BiH podnijela godišnji finansijski izvještaj za 2006. godinu.

5. NALAZI KANCELARIJSKE REVIZIJE I PREPORUKE

5.1. NALAZI

Na osnovu obavljene kancelarijske revizije godišnjeg finansijskog izvještaja utvrđeno je da je Seljačka stranka prekršila odredbe člana 5. stav 1. Zakona o finansiranju političkih stranaka.¹

Stranka je primila prilog od inostranog donatora „Centerkvinorna“ BOX 2200 Stockholm u visini od 9.386,52 KM, čime je prekoračila zakonom dozvoljeni limit za iznos od 4.698,52 KM.²

5.2. PREPORUKE :

Na osnovu uočenih nedostataka preporučuje se Seljačkoj stranci :

- *da postupa u skladu sa odredbama člana 5. stav 1. Zakona o finansiranju političkih stranaka.*

KOMENTAR:

U ostavljenom roku, Seljačka stranka se nije očitovala na Preliminarni izvještaj o reviziji godišnjih finansijskih izvještaja za 2006. godinu.

Hasida Gušić, šef Službe

Andan Nevenko, revizor

Anela Burdžović-Kapić, pomoćnik revizora

¹ Ukupan iznos jednokratnog priloga pravnih i fizičkih lica ne smije premašiti osam prosječnih neto plata prema zvaničnim podacima Agencije za statistiku Bosne i Hercegovine u jednoj kalendarskoj godini i ne smije se dodjeljivati više od jednom godišnje.

² Prema podacima Statističkog zavoda BiH, prosječna neto plata za 2006.godinu iznosi 586,00 KM, tako da osam prosječnih plata iznosi 4.688,00 KM što ujedno predstavlja zakonom dozvoljeni limit na priloge za 2006.godinu.